



Universitätsbibliothek Paderborn

Antidota Evangelica contra horum temporum hæreses

Stapleton, Thomas

Antverpiae, 1595

6. Erant iusti ambo ante Deum, incedentes in omnibus mandatis & iustificationibus Domini sine querelæ.

urn:nbn:de:hbz:466:1-39546



ANTIDOTA EVANGELICA IN EVAN- GELIVM SECUNDVM LVCAM.

CAP. I.

6. Erant iusti ambo ante Deum, incedentes in omnibus mandatis & iustificationibus Domini sine querela.

ALE T hic locus plurimum contra pestilentes horum temporum hæreses. Primum enim docet, obseruari posse omnia mandata Dei; quod à nemine vñquam præstitum fuisse perpetuò vrgent horū temporum heretici, Caluinus maxime. Hic enim duo sunt qui (si verū Scriptura dicit) in omnibus Dei mandatis ambulabant, id est, ea omnia seruabant: eo sanè sensu quo seruari omnia à viatoribus possunt ac debent, & quo ea seruanda esse Catholica docet Ecclesia. Secundò docet hic locus, ex mandatorum Iustitia obseruatione hominem iustum fieri seu iustificari coram Deo. Quum enim Euangeliſta dixisset illos fuisse iustos coram Deo, id est, vera iustitia quæ apud Deum talis habeatur, causam & modū vnde fues-

Tria fidei
docu-
menta.

478 ANTIDOTA EVANG.
de fuerint iusti, subiungit: *Incedentes in omnibus mandatis & iustificationibus Domini sine querela.* Tertio docet hic locus, iustitiam bonorum operū coram Deo talem esse, & sic in omnium mandatorū observatione consistere, ut à grauioribus tantū peccatis immunis sit; nō quod tam exacta obseruatio necessariò requiratur quæ cum nullis leuioribus peccatis consistat. Ideo enim adiecit Euangelista, *Sine querela: id est, vt S. Augustinus iuxta alias Scripturas sapienter exponit, sine crimen aut lethali peccato. Multi inquit iusti dicti sunt sine querela, quod intelligitur sine crimen. Nulla enim querela iusta est de his in rebus humanis qui non habent crimen. Crimen est peccatum graue, accusatione & damnatione dignissimum.* Vnde & alibi distinguit: *Alind est esse sine peccato, quod solo Christo competit; alind sine querela, quod de multis iustis in hac vita dici potuit.* Sic hunc ipsum locum idem sapientissimus Doctor alibi exponit, vbi & simile Apostoli de seipso confessionem introducit. *Conversatus secundum iustitiam quæ ex lege est, sine querela.* Sed & ipse in eadem epistola Apostolus ad similem iustitiam alios hortatur. *Vt sitis sine querela, & simplices filii Dei sine reprehensione.* Rursum in alia epistola quum de seipso dixisset, *Vos testes estis, & Deus, quām sancte, & iuste, & sine querela vobis, qui credidistis, fuimus, similem iustitiam alijs precatur, dicens.*

1. Thess. 2. *Ipse autem Deus pacis sanctificet vos per omnia, ut integrus spiritus vester, & anima, & corpus sine querela, in aduentu Domini nostri Iesu Christi seruetur.* Eandem illis precatur iustitiam ac sanctitatem quam de Zacharia & Elisabetha testatur Euangelium.

Heretico-
nū pugna. *Contra hunc locū mirè recalcitrant heretici. Aliqui volunt istos fide iustos fuisse, quia gratis Deo propter mediatorem placuerunt: quæ autem de mandatorū obseruatione subiunxit Euange-*
lista,

Tract. 41. *in Ioan.*

In lib. de
perfect.
iustitiae.

De pecc.
mer. &
remiss.
lib. 2. c. 13
Philip. 3.
Philip. 2.

1. Thess. 2.

1. Thess. 5.

UNIVERSITÄTS-
BIBLIOTHEK
PADERBORN

lista, ad iustitiam coram Deo non pertinere. Sed hos homines in alienū sensum Lucæ verba torquere ipse Caluinus affirmat. Is verò ut Catholicos alia viarefellar, respondet hanc iustitiam Zcharię & vxoris eius à iustitia fidei fluere & illi subordinari, ideoq; alterā alteri à nobis opponi nō debere. Sed hec responsio nulla est. Nō enim iustitiā operū iustitiae fidei ex hoc loco nos Catholici opponimus, sed alterā cū altera cōiungimus, vt iustitia nostra corā Deo nō ex sola fide, sed etiam ex mandatorum obseruatione consistat. Hanc isto loco fateri & agnoscere videtur sanè prima facie Caluinus. Ait enim veram esse hanc definitionē, Iustos esse qui vitam suam formant ad legis præcepta. Postea quoque ostendit non propterea Christi gratiam esse superuacanā tametsi plena legis obseruatio vitam conferat, quia ad hanc legis obseruationem accedit gratuita reconciliatio per Christum, & quotidiana venia qua illis peccata ignoscit. Hoc certè totum orthodoxe diceretur, si in illa gratuita reconciliatione renouationem internam quæ ab altera nunquā sejungitur, completeretur, & de peccatis ac defectibus iustorū minūtioribus, quibus quotidiana venia prestatur, loqueretur. Sed vafer hereticus nihil horū intelligit. Ait enim. Iusti ergo & irreprehensibiles censentur, quoniam tota eorum vita testatur eos iustitiae addicētos esse, regnare in illis Dei timore, dum quoddā est sanctitatis exemplar. Sed cùm à perfectione longè distet pium eorum studiū, non potest sine venia placere Deo. Quare iustitia quæ in illis laudatur, à gratuita Dei indulgentia pendet, qua sit vt quod reliquum est in ipsis iniustitiæ non imputet. Attende impostoris verba. Vult in ipsis iustis aliquam adhuc iniustitiam manere. Hæc iniustitia est ipsa legis trāsgressio apud Caluinū, quia videlicet ex eius sententia quodlibet vel minimū peccatū est vera legis transgressio, & legem nemo

nemo potest seruare. Rursus dicit eos celeri iustos
quia iustitiae addicti erant, & Dei timor in illis regnabat.
Iustus quippe iuxta Caluinum est, qui studium be-
ne agendi cum aliquo Dei timore non depositus,
ramet si hoc eius studium boni desiderij effectum
non fortiatur, id est, qui nodum in profundo po-
itus contemnit: ut ad Rom. cap. 7. alijsque varijs
in locis aperte eum docere docebimus. Quare &
quum hic dicit, pium iustorum studium longe à perfec-
tione distare, perfectionis vocabulo ipsam iusti operis
executionem intelligit. Sed maluit hic hypocritam
agere propter praesentis loci evidentiam, quam
impiam suam sententiam loco alieno proferre.

Beza Cal-
uini hy-
pocrisin
detexit.

Rom. 4.

I. Cor. 4.

Gal. 2.

Psal. 143.

Sed Theodorus Beza magistri sui mentis (quem
doctissimum interpretem semper vocat) optimè te-
nens, omni deposita larua, alias hoc loco Scri-
pturas opponit, que iustitiam operum damnare vi-
dentur, ut illud: *Abraham si ex operibus iustificatus est,*
gloriam apud homines habet, non apud Deum. Item illud:
Nullus mibi conscientia sum, sed non in hoc iustificatus sum.
Rursum illud: *Si ex lege iustitia, ergo gratis Christus mor-
talis est.* Que omnia suis locis exposuitus, & con-
tra iustitiam operum in fide nihil facere ostendi-
mus. Opponit & illud: *Non iustificabitur in conspectu
tuo omnis vivens.* Cui loco breviter respondei potest:
Si nemo coram Deo iustificabitur, ergo nec per
suam nec per alienam iustitiam ipsi imputata, nec per
opera nec per fidem aliquis iustificabitur, ac per
hoc non operum tantum sed & fidei iustitiam, ipsaq;
imputatiuam, hic locus excludet. Si aurem fidei
iustitia his verbis non excluditur, profecto nec
operum fidei iustitia excludetur: quum eadem sit
ratio radicis & fructuum, Scriptura quoque non
securus bonis operibus quam fidei iustitiam tribuat.
Ceterum quod dicit Propheta David, nec fidei nec
ope-

operum iustitiam veram excludit. Illud tantum docet, in Dei iudicio, qui omni prorsus peccato caret, neminem mortalium qui peccatores omnes sunt vel fuerunt, pro iusto haberi posse, si iuxta iudicium & mensuram iustitiae diuinæ in examen vocentur. *Aperta sententia est.* (ait Augustinus) *desuperiori versu illustrius declarata.* Non intres (inquit) in iudicium cum seruo tuo; hoc est enim: *Noli me iudicare secundum te, qui es sine peccato.* Et quod ait, *No*n* iustificabis tur, ad illam iustitiam retulit, que in hac vita non est.* Hæc ille. Eodem modo explicat lib. 2. cap. 19. de pecc. mer. & remiss. & de nat. & grat. ca. 60. Vide quoque Bernardum serm. 5. de verbis Esaiæ; qui & ipsos Angelos hoc versu Prophetā complecti scribit. Illi enim iusti sunt, sed ex Deo, no*n* corā Deo; & Dei misere, non in Dei comparatione; qui sic iustus est, ut ipsa simul iustitia sit, nec ullum admixtum peccatum habeat. Comparationē igitur statuimus non in sensu Pelagiano, quasi omni prorsus peccato homo careat, & solum secūdūm minus à Dei iustitia differat, sed ita imperfectam *ytetiam in scientia Dei & verē imperfecta sit.*

In lib. de
perfect.
iustit.

Vide Hie-
ron. in
Hierem.
cap. 31.

28. *Ave gratia plena, Dominus tecum, &c.*

VERBA hæc & verborum in Ecclesia Catholica usum corrumptunt & exagitant hæretici. Negat vocabulū Lucæ *χαριτωμέν* significare, *Gratia plena*, sed, ut Calvinus vult, *gratiā consecuta*; ut Beza vertit, *gratis dilecta*; ut Erasmus peruerit, *gratiosas seu pulchras*; ut Castalio transtulit, *accepta*. Ceterum verbū *χαρτός*, vnde hoc participium passiuum deriuatur, significat propriè, *gratia replere*, ut Chrysostomus græcus doceet in commen. ad Ephes. cap. 1. hom. 2. vbi Paulus

H h lus